

T5236.05/4462

96

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

夏禮英華卷第四百五十六

翰林制誥三十一

制書九

節五

授條範青州節度使制

將傳

門下作朝廷之巨擘莫利建侯委其旅之大權必先謀帥

況地維地海境接東秦往實靈祐俗尚經傳

聖機本情難守之府卿孫兼文學休家清貞勵已以詞

振朝用少理揚各州旋學閣之開法洽休養之相建分

物出撫養之所皆就為德良表心不羨於誠信相敬

朝禮服在大傳物情以能分論聖勳俾列象河之位仍

長外之賢中出有聲於萬載經合此勤茲為感嗚呼乃

文苑英華卷第四百五十六

翰林制詔三十七

制書九

節鎮五

授孫範青州節度使制

蔣伸

門下作朝廷之巨屏寔利建侯委兵旅之大權必先謀帥

况地雄北海境接東蔡任貢鹽絺俗尚經傳一作術所付至

重擢才惟難守大府卿孫範文學傳家清貞勵已以詞律

振跡用吏理揚名周旋臺閣之間浹洽休嘉之稱連分符

竹出撫蒸黎所至皆號為循良秉心不爽於誠信泊微還

朝籍服在大僚物情與能公論彌暢俾列象河之位仍司

長府之殷出納有程帑藏無耗念此勤效爰議疇勞乃眷

哈佛大學哈佛東京圖書館珍藏印

全齊名高中域州定分於伯禹化則起於太公具五方之
人成一都之會其所撫制必俟通明夫務穡勸分之謂勤
秣馬訓兵之謂備保大定功之謂德救患睦隣之謂仁率
彼三軍行茲四美藩垣東夏羽一作承衛中邦勤脩武經靜
致俗阜先副朝獎用答予知既超鄭默之官又進周昌之
秩皆謂殊寵佇聞休聲可檢校左散騎常侍青州節度使
授王宰河陽節度使李拭河東節度使制 前人
門下盟津雄屏大鹵名都上控三川旁聯七邑風俗近陪
於卜洛山河舊壯於列京苟非謀叶理戎惠能及物則何
以並膺闔寄服我朝章河東節度兼諸道行營招討党項
使王宰業貫韜鈴家傳帶礪備五才爲戰器講七德爲武

經氣本沉雄望高宿將河陽節度檢校禮部尚書李拭學
深堂奧慶襲軒裳以言行爲樞機以禮義爲干櫓才推通
變時號正人咸早分武符頗識兵要頃總師一作旅共平
壘關旣弘偃伯之功並著勤王之節嘗疇顯効又殿參墟
歷涉清途動聞直道爰自大府出戍瀾河載申攬轡之能
果稱宣風之美用稽懿績乃踐齋壇朕以雜虜犯邊天兵
在野盡護諸將屬於長材而宰以微恙所嬰全師難進虜
成逋寇始務更張宜擁旆於中軍復建旄於善地又以晉
陽作鎮戎索所鄰撫其四封必資碩望而拭臨人著術整
衆有方克樹休聲允膺茂選俾改轅於東夏盛推轂於北
門爾其肅彼戎行條其吏職內安凋弊遠瞻征徭勉副虛

懷佇振紀一作貞律不移鄭武之位再居陳寵之班懋乃有終式承丕命

授幽州留後張允伸充節度使制 前人

門下統制方隅昭宣威略苟非績効之茂孰當委寄之權故開幕任青登壇拜信建置斯重古今為常幽州節度留後檢校左散騎常侍張允伸性稟誠明才推倜儻端已每存於忠孝嗜學早習乎天人侃然器能冠於戎籍自維城遙領留務在躬惟專報國之心以洽奉公之道節度既換儉恪彌勤况遼陽甲兵之雄幽都控馭之遠假機謀以董雜俗資刑賞以靖朔隣由是錫鈇鉞之正名授喉舌之顯秩并以亞相示之殊榮於戲施令在嚴失之者則霍為仁

幽惠過之者則非所宜政不建苛法不隳制講武備以禦寇舉化條而育人服吾寵光佇爾休問可檢校工部尚書幽州節度使

授田牟靈州節度使制 前人

門下秦築城以備虜未若選將為長城漢設策以禦戎吾知得人為上策况朔野之北全涼以東兵臨五城地遠千里非疇勞無以分爵土非用武何以示恩威副吾勤求允屬雄傑檢校金部尚書金吾衛大將軍田牟才度間生智能兼聳家承弓冶業擅韜鈴而又揭厲儒流詳閑吏術不戰而烽煙自息言兵而勝負已知泊早服官榮常參羽衛流五原之懿績播三鎮之威聲風猷藹然令望斯著如

知一作爾弟兄之孝友化於閨門祖父之忠貞書於竹帛是用擢在環列爲予警巡覲其形容益見誠意朕以党羗未滅邊障是憂藉汝通明與我安撫所宜勵清蕙於虜俗宣惠澤於戎人恢紀律貴乎齊刑理蠻夷惡其生事藩垣北地控帶長河仍加毛玠之榮不改趙堯之秩可檢校吏部尚書靈州節度使

授鄭光河中節度使鄭朗汴州節度使制 前人

門下蒲津重鎮式居關輔之榮梁苑故都上應房心之野若非德繼周舅才超漢臣誰當重難允彼僉議銀青光祿大夫檢校兵部尚書兼左金吾衛大將軍鄭光風宇冲曠襟懷垣夷常推陰識之心早慕寶嬰之美浙江道觀察使

檢校工部尚書鄭朗氣韻黃鍾文含大雅退食著羔羊之節進身無茅茹之連或業擅宏圖名高懿績鎮青方而謳謠未息揔緹騎而績効已宣或誠由事彰行與言契踐三署而風猷暗襲廉四方而惠愛相輝而皆並立本朝藹然時傑品乃才用副吾深憂錫瑞分珪以示恩寵嗚呼國家自天寶之後中原宿兵元和已來信義方洽近者或任非所付官不敬常蒞事者以依阿爲雅尚之名將軍者以姑息爲苟安之計爾宜改轍而理貞師以嚴吏姦必除法弊當革是以再題陳寵之劔不易趙堯之印授彼戎律榮登將壇勉揚休聲罔忝厥命

授李丕鄜州節度使制

崔珣

門下天垂星而分將帥北極是尊地列嶽以體藩垣四方
乃定自古王者因而法之旁求俊髦應彼形象前振武節
度檢校刑部尚書李丕天資壯勇代習韜鈴追奔而不務
前矛疑處已而常慙背北一作常思背水頃者壺關不順方事阻
兵爾能蹈白刃而來推赤心向國泊累更符竹咸布謳謠
陟其所明以邊事首遂著平戎之効遙張破虜之威致使
黃河陰山寇盜皆息朕以燒荒作梗朔塞成榛禍結兵連
兩經春夏是用輟爾代北委之雕陰作吾金湯翼衛邦甸
所宜以克伐一作伐謀為上策以無戰為奇功禁暴安人克靖
烽駟秋曹貳憲再飾旌旌往惟欽哉順我休命

授柳仲郢東川節度使制

前人

門下擁旄作鎮授任分憂訓師旅以恢武經厚風俗以闡
文教膺茲重寄允屬勳臣正議大夫守河南尹柳仲郢清
嚴蒞職禮樂承家動惟執中居必慎獨稟端慤之正氣抱
通濟之弘才早踐華資備揚懿業會府著彌綸之美諫垣
留蹇諤之規洎領郡符亦茂休績出入十載尹正兩京堅
貞不回沉毅有斷歷試斯久聲猷必能克終令圖副我專
委是用付以戎律登茲將壇乃眷左綿實為右屏控壓夷
落保衛皇都非慈惠博施不可以乂安黎庶非威懷並舉
不可以綏靖封疆所宜膏潤一方澄清八郡簡條章以檢
郡吏齊法令以肅三軍大宗伯大司憲兼而寵之以表殊
獎勉承新命無怠前脩

授紇干泉嶺南節度使制

沈珣

門下周禮將軍以六官參選漢庭拜郡俾九卿迭處出入
 中外發揮聲績選用之重古今所難銀青光祿大夫行尚
 書工部侍郎紇干泉惟爾元和中以文學德行升為甲科
 貞規藹然雅有公器火化而方知玉性歲寒而益見松心
 洎振拂朝纓抑揚官闕章羽儀於省署燠詞藻於綸闈朕
 以瀕江之西悍俗難理輟爾禁掖委之藩條果能宣愷悌
 之風著循良之迹南臺起部無展爾庸所宜將我舊章化
 彼南服於戲朕垂衣裳以臨四海因性分以撫群生必欲
 叶軌而同文不敢重近而輕遠况駱越故地蠻夷錯居尤
 須謹廉以察封部青綬繫趙堯之印皂襜分鮑永之兵同
 升將壇式表予意爾其往哉勉移風俗不挹於貪泉無使
 珠璣獨還於合浦可

授白敏中邠寧節度使制

前人

門下昔孫弘以儒學進

詔令作脩

身寵兼裂土鄧禹以勲庸著

効儀比三司是皆內外同規古今所重再揚新命允屬元

臣特進守司空兼門下侍郎同中書門下平章事克山南

平夏招討都統處置使

十二字詔令作克招討山南平夏
党項兵馬都統制置等使并南北

兩路供

軍使白敏中才智可以替玄功誠明可以匡大務事君

惟恐不盡守道惟恐不遜

詔令作孤

而能以無心為待物之心

以無用為當官之用朕君臨之歲首付台衡六更星霜勤

節如一自羗戎犯塞師旅屯邊招懷莫來征伐無狀爰用

命爾往其鎮之果能潛移梟鏡之心坐終豺狼之首始自夏半及于秦正大建功勞克寧烽駟終此誠意非卿而誰今封部既清是用休爾之討伐馬牛皆散是用罷爾之統臨不移論道之榮更帖持衡之貴慕乃舊事對予勤懷可守司空同中書門下平章事充邠寧節度觀察使

大中五年十月

授康季榮徐州節度使鄭洵昭義節度使制

前人

門下彭城重鎮西楚故都壺關奧區上黨雄寄一則控長淮之津要一則衛洛邑之封疆撫制稱難才謀是急爰得二帥乃建戎麾前四鎮北庭涇原節度使康季榮方面信臣軍旅良將氣振金鼓義激風雲慕耿恭拜井之誠有王

剪請田之計武寧軍節度使鄭洵杞梓宏材珪璋秀質明能燭物利可剗犀挺翁歸文武之能繼叔度循良之美或藝習緇鈴性惟忠義擅威聲於百戰布雄名於五營作鎮邊方克彰勲業

一作

或早踐華資夙揚休問騰芳猷於詞

園振官業於吏途累膺寄任必流政聲並用推馭衆才蘊幹時績効既宣獎擢是命建高牙於徐土移大旆於邢郊用展良能務從委著爾其分蒞茲土敬敷國恩嚴號令於三軍信賞罰於百吏使轅門推戴問井謳歌再膺九揆之榮更峻六卿之命仍兼亞相式寵中權無替前功勉叔壯節授杜琮淮南節度使制

前人

門下星以斗牛鎮臨吳楚有重江複關之奧寔通都大邑

之雄控制上游儀刑群后自非台衡舊德廊廟宏材則何
以膺茲山疑嶽之求副彼經邦之寄高選中外無踰碩臣
劔南西川節度使杜琮間氣孕膺相門襲慶韓安之國器
弘茂元凱之武庫深嚴禮樂文身守而勿失政刑體要用
之則行風振英聲一作荐登相一作高一作位廟堂之上有所不
為縉紳之間共稱其道象暨祖德嗣美前修體平陽之鎮
密暢黃瓊之練達自持瑞節作鎮靈關盛有建明衆推理
行故疆盡復嚴道益清夷洛威懷軍儲流衍德政有同於
冬日邊封不犯於秋毫朕以禹貢九州淮海爲大阜負八
郡井賦甚殷分閩權雄列鎮罕比通彼漕運京師賴之自
注巴南近間歲歉黎氓稍困流庸是虞思得慈惠之師以

稱測隱之德黃霸在位朕無憂焉汝爲司空無持邦憲慎
乃出令以臨其人務遵訓誡勉弘休績

授白敏中西川節度使制

前人

門下寅亮天工既稱星瑄葺寧戎塞頗茂功庸信出入之
有勞顧優崇而宜及况梁氓巨鎮全蜀奧區有彭僕之富
饒帶巴陝之險要非圖舊德難洽新恩邠寧節度使白敏
中嶽降英靈時推才傑周旋文雅城府寬弘久侍禁闈備
流聲績及居鈞軸頗茂芳猷朕起滯淹網羅賢彥外野無
孤鴻之嚮歸軒有連茹之征揚於王庭鬱矣皇士莫匪爾
績動契予衷泊羗寇憑陵啟茲西土戎醜斂路柵堡相望
既收功於郟邠宜移旆於井落於戲勿以地遠而怠於躬

親無以位高而忽於微細勗思後効無替前勞懋哉懋哉服我成命

授李景讓襄州節度使制

前人

門下漢制郡守有善政者增秩賜金周官諸侯有聲名者加地進律前代令典我將因之天平軍節度使李景讓早以文學德行列于四科中含柔善一作嘉表以堅白直比汲黯孝如魯參素懷澹然清節可貴峻風規於臺閣流愷悌於方州居爲國禎出作藩柄朕惟憲宗親除狡宄手復全齊付任在予不敢祗授一作守以爾事親既孝於我必忠俾之鎮臨果茂聲績是用載新社土改築齋壇不可使萃羨於東方所宜遷仁於南國况經衡舊服江漢上游天作城

灑地連襟帶昔曹王以法繩封部歲久則弊除于頓以共東征徃人流而賦在不有思惠安能理之勉圖官守式佇間問可

授韋損鄆州節度使制

前人

門下登壇仗鉞訓整爲先攬轡登車澄清是切膺一方之寄任兼二事之重難不有宏才孰允茲選銀青光祿大夫守刑部尚書韋損稟天之粹體道之和接物如冬月之溫操心若寒松之勁導詞源而不竭泛學海而莫窮又服大僚早揚休聞累更中外迭處清崇善政克著於藩方雅量見推於朝右朕以天平巨鎮慎擇帥臣割據魯衛之方控帶山河之壯臨制綿遠戎旅驍雄非仁惠無以蘇疲人非

威信無以正師律以爾才周物務識洞事先斷自余懷得
之長理爾其推誠撫士布德安人容易則惠姦苛察則撓
政害於事者必去無顧慮以妨公利於俗者必行勿因循
而不決當竭乃力副我知人昇崇班於五兵啓元戎之十
乘服茲寵渥勉恢令圖

授盧鈞大原節度使制

前人

門下陶唐古郡晉國全服掌北門之管籥控朔塞之河山
貔虎唐謂虎前後皆作武後人不知誤改作虎連營氏羌萬落用鎮興王之地
必求易一作高俗之才果獲碩臣允膺謀帥銀青光祿大夫
檢校司空兼太子少師盧鈞玉山當畫水鑑澄秋揣摩政
經淬勵心術蘊賢人之大業蹈君子之中庸進取不爭於

於風雨歷踐華貫早揚淑聲便蕃大

一作易

僚始終一致屢委戎寄亟間獻功番禺清紹於隱之江漢

愛侔於叔子壺關所復汙俗惟新鮮亂繩而有條遷惡子
而從化洎佩囊天府授鉞夷門克樹風猷荐舉方策今以
塞垣未靜虜族多虞莫善綏懷愈生疑貳道路既聞於漁
奪克殘頗見其鴟張尚念前勞猶寬肆伐爰擇待時之器
式觀禦衆之能較於朝端俾之鎮府爾其賞罰無私德刑
公用以清靜之方聞吾聲教以愷悌之義宣我化條理必
成於恩威政無庸於煩紊一作殺擊勉一作殺伐緊爾令典副予
知人於戲北虜熾周南仲有徃城之績西羌擾漢營平陳
保勝之方疇其嗣之必有能者寵秩既光於論道恩榮仍

亞於台庭以壯戎旃勉服休命

授李業鄭滑節度使契苾通振武節度使制

前人

門下鎮臨白馬介趙魏之封陸地控黑山振羌渾之衝要
傳茲並命允屬長才前河東節度使李業宗室誠臣幹特
良傑傳山西之將略襲隴右之家聲右金吾衛大將軍契
苾通早擅英姿常推壯志挺鶚立鷹揚之操知玉鈴金匱
之書或建旆雄藩功宣保塞或馳輶異俗績茂和戎咸竭
器能載光任使穆揮謙於大榭蘊風望於長城以爾威足
靖邊故委以疆場之事政能檢下故授以統馭之權於戲
整旅訓戎觀風蒞俗仗誠明以懷犢悍布惠化以卹疲羸

將務息人無或生事明典刑以謹侯度示恩信以洽戎心
用叶睦鄰宜籌經遠換騎省八貂之貴仍地卿六職之榮
勉恢壯猷無忝登壇之寄

授畢誠邠寧節度使制

前人

門下太公經武首述文韜春秋謀帥亦啓義府大暢弛張
之道必求通變之才况乎撫易動之羌戎扞難集之關郡
安邊禦侮斷付能臣權知刑部侍郎畢誠端慈知善善一作善端
和文學致身氣則沉詳思有高妙早馳榮問亟踐清途該
洽憲章抑揚臺閣聿來禁署益茂芳猷孔光之温樹不言
王褒之洞簫曾諷憲慮必振於遠大抗志不避於重難擢
於文昌以酬職効強明不滯朕心器之固可以式是師干

授之能節况地雄秦塞境壓邠郊壯南牧於盛秋作西隴
之巨屏是宜平其險難一作險其走集繕彼甲兵征疑作貞律臨戎
推誠馭衆遠明邊務贍軍儲一作旅非厚衣食之恩養

之勇稱於無事之日常為有備之謀連營苟示於嚴莊種
落自當於柔服布我大信深仗親規於戲寶嬰賜金不為
廊廡之有營平積粟免煩餽輓之勞減費惠人於斯為急
節宣柄任稱朕意焉貴視漢貂榮兼趙印茲為寵數以耀
啓行可

授常慤鄂岳節度使制

前人

門下王者建諸侯以鎮撫方域立將帥以藩屏皇家受任
惟難選命斯重而况控三江之律疑庶摠六郡之賦輿必

得無能乃膺成獎前鄭滑觀察使常慤紳冕令才人倫粹
器業光經濟道茂溫恭蘊昌雪之貞姿挺發矧之利刃自
馳聲詞苑耀價儒林雅範蘭馨詞雄綺麗踐更華貫揚歷
顯途懿効彰明布于臺閣自職司誥命參貳春官業彌振
於訓詞道愈光於得士及再遷會府休聞尤彰由是嘉乃
良才俾升節制流美化於洪河之曲布威聲於白馬之津
宜舉寵光用酬休績乃春夏口實曰雄藩通波遠接於荆
衡作鎮式臨於漢沔由是再新戎旆改築齋壇福一作興滑
臺之誅歌慰鄂渚之黎庶爾其以信義為理本以賞罰為
政柄法亞夫訓旅之術以肅轅門採龔遂理人之方以清
郡國崇秩兼寵無易舊恩勉乃令圖勿替前志

授李彥佐鄜坊節度使制

前人

門下撫千里者必仗於誠信統三軍者固資於良帥况地
 雄鄜時壤接王畿搃貔武精銳之師制犬羊一作制雜種
 之俗聿求上將以鎮近郊守太子少傅李彥佐夙負雄明
 早通軍志生知忠義旁閱詩書計擬六奇功高百勝聚米
 而山川可料變幟而壁壘盡傾奮蕪蘭之明謀蓄關張之
 妙用頃者常膺獎任累踐藩垣信洽戎夷愛深師旅有馭
 衆安人之効著在邊方有蕪平貞慎之規騰一作於朝論
 自避榮私室物論尤歸朕以彫陰重藩羌渾小擾蓋由乖
 於撫馭遂失和寧思得長才往圖鎮理爾其敷我恩信哉
 其徇往靜彼戎疆用資壯略一作志一作嗚呼蕪頗一作營平雖老尚

請臨戎李牧居邊未嘗生事遐觀前舉勉副徽猷榮加五
 教之尊仍帖三一作臺之貴服茲休命無忝寵光

授崔珙鳳翔節度使制

前人

門下乃眷岐陽襟沂擁漢古稱右輔以扶助王圻今為別
 京以屏翰戎落載煩元老往撫舊邦實資經國之謀高副
 安邊之寄守太子少保崔珙稟粹嶽靈挺生國戚門容駟
 馬族盛八龍曾襟洞開智略輻赴早以茂業踐于持一作台
 衡宣力致君有犯無隱恬疑叔敖之喜愠體白玉之卷懷
一作舒泊服休天朝保釐洛邑誠明之道華皓不踰能全素
 履之真雅得大臣之體方叔之猷克壯師尹之望攸歸朕
 以保塞禦戎深圖良筭餽軍艱食常在勞懷由是渴王商

之儀形竹管平之籌畫伏蒲之奏前席忘疲既符咨嶽之
求宜舉齋壇之典自闕以外爾實專之斷守疑宏才庶集
吾事勉敷恩信務洽華夷且慰恩一作思善圖政柄峻槐
庭之禮命寵茅社之侯封服我徽章敬茲有土

授常博淄青節度使制

前人

門下乃眷營丘表于東海富強號千乘之國繁雜聚四方
之人假上將之威權壯中軍之垣翰將疇闡寄必在信臣
守尉衛卿常博文苑騰芳儒林擢秀襟靈曠遠風度詳閑
周通爰表於器能強濟式彰於事任早以重價踐遷清途
諫垣流謗諤之名通邑擅神明之稱頃自移曹九棘緩步
八埒冲澹安身卷舒惟道應茲圖任允叶僉諧懿彼全齊

為右壤禹貢別九州之盛海濱綜五郡之雄昔周命太
師漢封韓信啓土用申於帶礪分茅克懋於藩維選任之
隆古今攸重於戲平仲畫規之節夷吾當俗之方經堂阜
而徽猷可循指牛山而忠謹如在餘波未泯遺愛斯存禮
節既洽於里閭風謠尚傳於古老為政之暇無忘諮詢盛
鐵馬於師壇帖金貂於騎省祗膺成命勉服寵光

授裴休汴州

二字一作宣武軍

節度使制

前人

門下將相大臣中外迭任入奉股肱之寄出為藩翰之雄
無爽具瞻式彰注意金紫光祿大夫守中書侍郎兼戶部
尚書同中書門下平章事充集賢殿大學士上柱國河東
縣開國子食邑五百戶裴休氣稟嶽靈夢叶巖瑞威鳳孤

翔於玉圃仙鶴獨步於芝田學精典墳文締邦國自彤庭

對一作發策諫列升班粉署擅貳卿之榮綸闈廻五字之妙

洎司饋運整葺牢籠策畫每得於親聞功庸必見於一作其

顯効章呈軌範歷試無差是用付以權衡宜承任委咨之

遠略炳然大綸四后協心萬邦繫爾今百度有截庶績其

凝前時屢以疾辭猶煩卧理豈無優賢之道因遂由衷之

意乃眷梁苑實為重藩荒大東於周疆接小沛於一作貢

壤富庶將及悍勇無譁仁化已洽於一方清風漸扇於全

境閉一作開關自固懸駭不鳴可仗台臣寘之靜理爾其踐

厥位暢厥庸侯服既增相印不解輔弼莫繫於遠邇聲容

嘗問於朝昏敬哉戒哉服我重命可檢校戶部尚書同中

書門下平章事使持節汴州諸軍事行汴州刺史克宣武

軍節度副大使知節度事汴宋毫等州觀察處置無亳州

大清真宮等使散官勳封如故主者施行大中十年六月七日

一作皆唐大詔令

授李玘鳳翔節度使制 前人

門下秦之舊都漢為右地扼戎疆之要害作上國之藩籬

旁聯封畿前抗巴蜀其所受任必擇忠良刑部尚書兼宗

正卿李玘生王侯之大家傳帶礪之盛業夙負才術顯於

官名周旋令圖佩服義教信以自立誠而致明北海著輯

睦之規南方流愷悌之化潔清知已寬猛協中連委翰垣

載高理行朕心所屬物議與能洎擢屢月卿掌我天旅不

載高理行朕心所屬物議與能洎擢屢月卿掌我天旅不

忝維城之寄副予同姓之求今以昆夷來朝願納故壤將復河湟之境必資整訓之方遂結疆場付爾汧隴於戲惟昔乃祖曾顯是邦勿隳貽謀光膺分闡兼尹正察廉之重帖文昌憲府之崇勉副家聲以酬殊獎

文苑英華卷第四百五十六

文苑英華卷第四百五十七

翰林制詔三十八

制書十

節鎮六

授朱崇節河陽節度使制

陸扆

門下朕聞天垂星緯王者象之以設官地裂山河歷代定之以建國所以咽喉中夏藩屏皇家非威望不足以鎮寧非仁惠不足以撫養其有勲勞夙著宜申昨土之恩韜略素精屢委殿邦之任二者兼備斯為得人國有彛章我復何愛前昭義軍節度使潞慈刑洛等州觀察處置等使特進檢校司空兼潞州大都督府長史御史大夫上柱國沛縣開國子食邑五百戶朱崇節雄略縱橫忠誠貫直夙著

抱一作揔戎之術常韜靖亂之謀臨危不屈於壯心多難益

全其大節去病辭第哲彰鍾鼎之勲王翦請田非爲子孫

之計日者平陽求瘼馮翊頌條隰川竟保於孤城汝海將

繩一作綬其弊俗其後孟津分閩上黨臨戎智謀潛契於著

龜義烈彌堅於金石擁衆而出陳兵以行指揮而神氣激

揚叱咤而寇雖惕息今則鄉閭顧慕士卒謳歌庶金成佇

於竇嬰竹馬思迎於郭伋是用再葺五教重委雙旌既資

董衆之能仍舉疇庸之典於戲功名易守自伐者必顛富

貴可圖懷驕者難保失道則禍生旋踵守義則福貽後昆

勉爾令圖服我明訓可依前檢校司徒克河陽節度使散

常如故

授周岳嶺南西道節度使制

前人

門下夫山結川融皆予之寓縣蠶衣租食悉我之黎元憐

舒雖繫於陰陽覆燾豈殊於遠邇自頃中原搔擾遐裔阻

難或王澤不流或國章靡及念茲黔首一作昌疑我皇風聿

求養理之仁兼藉鎮寧之略訪于執事果得能臣武安軍

節度湖南觀察處置使特進檢校右僕射食邑三百戶周

岳黃石傳符豐城得劔倜儻挺義夫之節縱橫抱名將之

才擐甲執兵閩外以雄豪見許絕其分少江東以信義相

推嚴武備而不喜戰爭頌吏術而每先恩惠遂致塵清四

鄙農勸三時鄉閭阜安卒乘雄富是用疇其懿績仗以英

謀輟乳哺於賦鴟之鄉壯藩垣於獲象之郡爾其克膺重

寄更茂嘉猷必令嶺嶠蠻陬欽我之風化無使黃金翠羽
累爾之清廉然後馬援威聲孟嘗介絜苟能礪操諒可齊
名仍推疑百越之封俾進三槐之秩恩不虛受爾其欽哉
可檢校司空克嶺南道節度使餘並如故

授陳珮廣州節度使制

前人

門下漲海奧區番禺巨屏雄藩夷之寶貨冠吳越之繁華
苟非令人難著清節列聖瞻令必求賢良故宋璟播美於
前李勉垂芳於後朕初君臨寓縣方以武定藩維獨命鄉
往鎮茲土而崇龜果以清淨為理謳謠日聞固追詠於夷
齊豈慙名於宋李代其任者不亦難乎爰求勲舊之間別
得英竒之士左軍都指揮使前靜江軍節度使開府儀同

三司檢校司徒平章事潁川食邑三千戶實封一百戶陳
珮雄姿岳聳俊氣膺揚家傳忠孝之風代襲韜鈴之術愛
士卒而更逾吳起敬君子而不讓張飛位以功高名由義
振先皇帝荐臻難運再新侯封挺身於版蕩之中竭力於
沾危之際或警巡於西蜀或侍從於南梁殄岐陽兵火之
災爾功居最戡京國宗祧之難爾効復多皎絜忠誠貫黃
河而不濁堅貞壯節冒烈火而寧焚雖衛昇銘勲韓壇受
律未臨列土豈答豐功是命殿彼大邦授其峻秩仍示優
崇之旨再襲台衮之榮於戲吳隱之昔號清蕪英聲未泯
馬伏波嘗推功業厥跡猶存苟能視糠粃於翠羽明珠張
紀律於遐陬異俗吳馬之政今古寧殊無使璟勉崇龜獨

誇於前哲也勉服丕訓無替令猷可檢校太保同平章事
克嶺南道節度使餘並如故

授李壽盧龍節度使制

前人

門下召奭舊邦燕昭故國其地廣而要其俗勁而雄儻非
英偉之才孰控臨戎之任詢于執政爰有良臣具官李壽
制鍾利器構屢宏材負頗牧之威名蘊關張之節槩夙明
軍志妙一作預揣敵情訓戎兼務於詩書養士必加於觴豆
日者咸推友悌實倅元戎屢叅必勝之謀常贊在和之義
泊專庶務益洽群情畿繇仰愛日之恩疆場賴仁風一作長城
之固是用寵其龍節榮被鶴原俾登韓信之壇仍進王祥
之秩爾其稟我王度振乃家聲推信義以睦鄰封謹法令

以威蕃落武有備而不用士使樂而不驕四者聿脩七德
斯在服我明訓厥惟欽哉可檢校太保幽州大都督府長
史盧龍軍節度使餘並如故

授周岳湖南節度使制

前人

門下荆渚懷仁陶侃昔嘗再理潁川思又黃霸於是重臨
苟徇人情何傷國體而况干戈又試宵旰為憂將蘇塗炭
之災俾復旌旄之任詢于執政僉曰嘉謀具官周岳早洞
武經兼通政術嘗鎮湘中之地克揚閩外之威執紀律以
不踰播謳謠而甚遠拊封彌謹述職惟勤垂竹帛之功名
委旌幢之貴寵一作尋垂竹帛之名方委旌幢之貴而遽因疑間遂致遷移
適五嶺之遐荒奪重湘之輿壤乃使軍戎憤悱黎庶怨咨

煙塵不絕於累年瘡痍偏傷於一境旋聞軍吏之衆耆老
之徒咸詣護戎借留賢帥遭權臣之擁遏致明命之稽延
今我朝政惟新庶事思理雪爾肺腸之憤申予雨露之恩
俾殿舊邦用諧衆志爾其速蘇凋瘵無念仇讎戢矛戟之
連營勸農桑於列郡布予惠澤服我徽章茂繼前勲永膺
重寄可依前檢校司徒武安軍節度使餘並如故

授張鏞彰義軍節度使制

前人

門下隴陰重地涇上雄藩勵控弦帶甲之徒資護塞和戎
之略爰自動知邊事夙練兵機加以制彼西陲屏于中夏
博採輿人之論果聞良帥之才爰降命書式諧衆欲其官
張鏞雷霆勁氣鷗鶚竒姿秉孝愛以承家挺忠直而事主

錫鈴金匱弟兄咸繼於孫吳雪嶺蕭關蕃虜遠懷於頗牧

矧示令委殿于是邦著勲烈於兩朝耀威名於一紀訓兵

積粟述職安邊城隍元固於金湯士卒必均於觴豆功垂

竹帛政洽謳謠並馳一作張賢將之名仰自元昆之訓豈為

疑作降年不永閔水興悲將既疑作前脩是資同氣設齋

壇而錫命馳瑞節以頒恩式光十乘之雄不改三槐之秩

爾其奉予紀律固乃封疆推誠信以睦隣竭忠勞而報國

自可委安祿位益茂功名於戲爾鏞服我明訓可檢校司

徒彰義軍節度使餘如故

授趙凝檢校太尉開府制

前人

門下王者裂土疆以任材臣下推腹心以報主能任其材

則國理能報其主則功高其有鎮拊巨藩訓齊義旅克展
忠貞之効每遵紀律之條斷自予懷將頒殊渥具官趙凝
稠儻雄材縱橫奧畧奮垂天之羽翰聳發地之巖巒頭慕
舊封克承先訓嚴武備而不矜戰伐緩軍令而不霍博娶
鄉閭卑殷卒乘輯睦顧峴首漢陽之地實四會五達之莊
扼咸鎬之咽喉遵荆吳之貢賦途路無梗艣航若流不有
威聲孰能通好一作齊朕以姦兇構患都邑縱兵爰避艱虞
出居巖險而能徑馳專使來達臣誠乃陳底貢之儀備驗
輸忠之節况爾先父寔余蓋臣前勲尚煥於鼎鍾令嗣克
傳於弓冶未言念舊尤在賞新一作延俾升掌武之班益重
拊封之寄仍遷峻級式示隆恩爾其保祿位以榮家竭忠
勞而許國勉欽明訓無忝厥官可開封府儀同三司檢校
太尉平章事克忠義軍節度使餘並如故

授石善友鎮武節度使滕從免邕州制度使制

前人

門下朔野雄藩地臨於強虜海濱巨屏境接於諸蠻苟非
威畧不足以鎮寧非惠和不足以緩撫其有久專留務具
著能名雅稱分閫之才宜賜登壇之命具官石善友夙知
邊事素練戎韻驍騁風無遠不適具官滕從免早習兵
機常推忠款豪曹出匣其銳難當而能誓建功名克遵紀
律一作克洎膺試用咸務恪恭封疆遠憚其威聲溪洞每
懷其信義固可以靜茲絕塞阜彼遐陬使風煙罷警於北

陞琛責遠臻於中土方資重委宜洽優恩俾真旄鉞之權
用壯藩宣之寄或榮遷端揆或寵陟秋官勉竭厥誠貳則
有辟善友可檢校右僕射克鎮武節度使兼安北都護從
免可檢校刑部尚書嶺南道節度使餘如故

授武臣邠寧節度使制

鄭畋

門下推轂揔戎朝廷之重寄登壇受鉞將帥之殊榮况地

接燕

集作

山境連京甸兵雄俗阜拱我宸居宜擇英賢以

壯垣翰具官某乙雷泉稟氣邳石降籌習我

集作

翦之兵

書用闕張之戰畧雄嚴可憚忠赤無疑彰勇藝於轅門顯

勤勞於禁旅言皆許國志在忘

集作

家驂騑豈戀於繫維

鷓鴣常思於振擊今故錫

集作

之旄鉞

集作

授以上田俾

優于邠用示殊寵爾其中嚴斤侯訓習師徒增疇壠以

豐穰飾器甲以圖精利蒐乘補卒無惑於

二字集

惰游禦

寇安人必

集無

期於靜謐尚父之英威未殄古公之風化

猶存勉揚政經無負憂寄可檢校某官克邠寧節度使主

者施行

授李師望定邊軍節度使制

前人

門下全蜀之南封部遐廣屏限蠻貊爲要衝間者守將
不嚴寇兵來陷蕭條故地寂寞有年與其黷武開疆孰若
屯師固圉况精甲可用腴田可耕苟得其人豈復翫寇是
用割分州里崇建翰垣思其長才付以重事更求中外格
于旬時果得良臣式契朕志朝議大夫前鳳翔少尹上柱

國賜紫金魚袋李師壬早以才幹彰于史途縱橫不羈沉
毅有斷項歲王師伐叛命爾供軍糗糧相繼於路岐兵士
皆忻於飫飽裘甫之後爾守天台克以偏師大挫狂孽厥
後繼領符竹咸推噐能二尹岐山既從休罷鷲羽豈閑於
講上神鎡終躍於腰間朕以荒服未寧坤維多慮式當經
制尤渴英竒知其可行召與之語嘉謀響答雄論風生奏
刀而隳髀皆虛聚米而山河盡覩築壇驟拜余無悔焉於
戲初造之邦詎有堅敵種落雜處兵糧未竣全資智謀克
在威愛爾其投醪共味立法推誠理軍猶家養士如子關
汗萊以務稼穡籌險阻以制閔防弓矢戈矛當嚴鍛礪風
雲氛浸無忽祝瞻熟孫武之韜鈴慕孔明之事業使苴

~~下~~常驚鼓鼙之威大度河南永保金湯之固勉思報國
勿負知臣擢握兵符銜榮憲印統諸軍之鈇鉞兼六郡之
賦輿上應星辰貴為侯伯將旌殊渥匪限彛章敬之戒之
無忝休命可雋州刺史兼御史大夫六兄定邊軍節度使眉
蜀邛雅黎等州觀察處置統押近界山誦蠻并統領諸道行
營兵馬制置等使

授龐從武寧平難軍節度使改名師古制

張玄晏

門下浦澤遺封

漢書作芒

山奧壤俗稱雜富人本質良古為

用武

一作物非

之鄉今乃優賢之地况自安多難極迫挺災蒸

黎嘗困於流離全材久專於緩撫已觀試可愛議正名時

舉寵章用申獎勸具官龐從夙懷明畧早負壯圖精專能習於豹韜環偉素推其鸞領襟靈豁達氣宇剛嚴居然將領之才邈爾深沉之度差肩頗翦接武韓彭揚閩外之休聲富幄中之嘉畫自委之留事頒我詔條惠愛行於鄉閭威望揚於士伍克成謹詠遠副憂勤臨戎既耀於雄稜撫俗備揚其善政逆移歲月足洽寵靈是宜錫以旌幢進其官秩奄有徐夷之一境爰撫大彭之故都膺吾眷求求作藩翰於戲敬敷五教光摠十連踐論道之華資加御貴之榮級無忘惕勵以奉恩光可某官仍改名師古主者施行授王敬堯武寧軍張珂彰義軍節度使制 前人門下錫以土田付之旌鉞必擇非常之士載弘不次之恩

魏清澤雄藩涇川巨鎮委用咸彰於 試可節制宜膺其正

名爰舉徽章式

並

一作分戎閫具官王

敬堯夙號將才早探

軍志襲淮流之積慶挺山立之雄姿勇實兼人智能周物

蘊變通之茂用懷經濟之遠圖具官張珂閔閔名門韜鈴

秘畧孝友克宣其遺美忠勤幼闡於令名劍氣干霄鳳音

合律樞士則能均止苦推誠而可負神明頃者頒我詔條

各成政化

一作郡改

惠愛亟沾於疲瘵威聲益布於鄉閭爰自

主留彌觀奉上既播褰帷之美勉承建節之榮仍俾疏封

用光裂鎮噫礎

漢書作芒

碣厯境種落連營握兵符而皆是通

侯掀大旆而具為上將當思報効以服恩榮敬堯可某官

珂可某官主者施行

授馮行襲昭信軍節度使制 前人

門下分節制之任所以嚴我翰垣膺廉問之權所以宣吾風化矧夫界連梁楚襟束咸秦據廣漢之上游振終南之巖險昔爲禦侮之地用固神州爰升連帥之雄以疇丕績言從人欲乃降朝恩昭信軍防禦使特進檢校太子太保使持節金州諸軍事守金州刺史兼御史大夫上柱國長樂縣開國伯食邑七百戶馮行襲决雲利刃逐日竒蹤彌衡重一鶚之名闕羽蓋萬人之敵御衆布投醪之德禮賢懷比飯之恭智畧出群忠果成性造次不違於尊獎周旋備覩於公勤自委以頒條命之剖竹蒞事繼懸魚之美臨人宣建隼之威疲薊旣成其息肩豪右屢聞於破膽獻奉無闕賦租罔憊况頃者荆襄路途兵戈驟起而能遽開閭道俾達上京盡通江嶺之貢輸來助朝廷之經費尋彰績効今有甄酬而一境緇黃數邑耆艾咸陳章䟽請降節旄膺吾入保之榮茂彼登壇之寵往服休命無忘敬恭可某官主者施行

授李思敬武軍李繼顏保大軍節度使制 前人

門下洋源奧區郵時重鎮近境深聯於甸服長川古號於塞門念斯節制之權瞻乃察廉之寄必資才傑用副選求乃者雕陰實維戍亭壁壘凡勞於九拒干戈僅偏於四封姑務安人爰從易地具官李思敬練達韜鈴振揚威望保風雨不渝之標得寬猛相濟之機奉一作深上誠專一作康時績

茂常蓄持危之志雅推御衆之能具官李繼顏驍果馳聲
剛柔蘊用負致君之全畧逞過俗之宏規克稟義方幼知
忠孝發黃間而破敵靡白羽以臨戎並早沐恩榮俱分憂
寄不乏循良之稱亟彰持重之方繼成襦袴之歌顯著山
河之誓今則俾之迭處用叶厥官公台不改其華資終始
各思其竭節於戲土四其疑廣爵秩互崇當遜志以保家
勉輸誠而佐國勿恃險以生事宜恭已而守常服我寵光
無忘敬慎思敬可某官繼顏可某官主者施行

授王朝威武軍節度使制

前人

門下朕言念蒸黎常勞旰食其在遐一微尤所注懷况閩越
之間島夷斯雜非威望不足以懾伏八匪仁恕詎可以惠

其善善政已成殊庸未陟則宜假之缺鉞錫以麾幢俾兼
節制之權式寵察廉之寄具官王朝術深金匱學富王鈐
鸞弧傳百戰之名撫劍號萬人之敵才高御衆志本勤王
風雲暗合於機謀霜雪不移其節槩爲仁由已重士逾山
雅負將材尤精夷理自撫寧列郡振舉六條疲忙懷愛戴
之心滴一作裔俗仰廉潔之德集是休烈溢於聽聞而職貢
交脩賦輿靡闕尊主之誠可見勝殘之踐疑無論是用負
海建牙踰閩錫社徇彼遠人之懇慰其闔境之情爰壯中
權仍遷左綏爾其守茲世曾員服我新恩勿恃貴以驕人無
作威以生事更勵奉公之節益堅惠下之規別俟寵靈罔
虧績効可某官主者施行

授李繼徽秦州節度使制

前人

門下邠土雄藩西郊故壘封垣六連於甸壤城池近接於
昆夷爰膺節制之榮兼本察廉之寄向非雄傑孰稱選求
况仍歲干戈未蘇惇獨鎮靜允先於良將材循允藉於通
賢得不因彼士心忠宣作茂茲朝委我有休命人其聽諸具
官某生知武畧夙號將材得黃石之沉機摠青萍之利用
貞心貫日壯氣凌雲蘊豐財和衆之名遵抱義戴仁之事
自四郊多壘一劍臨戎推誠明以奉君親仗忠信以爲甲
冑處衆每觀其自奮遇敵雅號於無前茂著功庸動彰節
槩乃者剖符隴坻建隼吳山頌頌條早振其休聲守上載揚
美善政委之鈇鉞錫以土疆無成紀之遐封治秦川之拓
地授醪布德城窳傳謀憂國忘家赤心可見飲冰食蘗清
操難儔今則再寵綠徽是光黑綃增其好爵廣彼爰田用
分宵旰之憂式徇疲羸之請爾其將我惠澤施於一方簡
必臨人寬而整衆可推養理之志用宏輯睦之規無怠親
隣勉思稼穡奉於公者必舉涉於私者勿爲副此虛懷更
圖明陟

文苑英華卷第四百五十七

英苑英華卷第四百五十八

翰林詔制三十九

制書十一

節鎮七

授葛從周兖州節度使制

韓儀

門下建牧立監施亭育之深仁顯忠遂良表激揚之茂典
 其有聲馳軍伍績著郡符威令夙振於戎行美化霧流於
 封部允契求材之念宜當分閩之榮遂舉寵章俾膺重寄
 具官某學洞玄符智苞黃石抱刻銘燕然之志蘊刊碑勃
 弄之心氣薄雲天義凌霜雪以和為貴用壯處謙御下而
 寬猛有經料敵而錙銖罔失朕以鄒魯重鎮兵革連年慎
 擇可人用蘇疲俗得於僉論叶我敷求昔魏延以勇略逸

群自偏裨而登上將呂蒙以材智拔萃捨行陣而惣戎麾
况乎早踐方州屢登崇秩績効已彰於靡監獎酬宜示於
優恩仍加水土之尊式寵旌旄之寄爾其靜訓驍勇之士
惠先惇獨之人布戎憂勤康其凋瘵膺茲超擢無忘恪恭

授李思讓延州節度使制

前人

門下夫息亂以靜濟道者權當底定干戈之時乃更易節
旄之任寧辭改作式貴叶宜不移將相之榮別奉藩宣之
寄用光勲傑爰舉寵章具官某氣薄雲天志堅金石蘊翦
起之雄勇負寇賈之智謀誠明可以伏鬼神義烈可以貫
風雨累代以勲勞報國徇節忘生一門以忠孝承家推心
濟物功銘鍾鼎誓著山河每逢多難之秋必奮安危之雨

以邠岐動衆畿甸匪寧授以統臨錫之鈇鉞舉旄効命

投袂連行徭聞靡監之誠克抱盡敵之意朕念兵革繁興

十有八載蒸黎版蕩

一作蕩板

邑里洞虛爲人父母之心深

一作

但慙涼德拯國艱危之運唯有責躬爰議罷兵用安率土
又念昨者邠人不令潛持兩端有悞軍機遂成退守復臨
彼土自不懷安雖欲撫寧諒難輯睦是乃換雙旌之雄重
割兩郡之膏腴成一家千里之封列三鎮十連之貴勉思
勤竭膺我寵靈

授李成慶夏州節度使制

前人

門下夫有大功德於天下者必慶垂私門賞延於公室者
必傳家令子賞延者國俾嗣者侯著之格言是爲彛則祇

膺丕訓履奉成規徵比事經式登功緒必盈僉論方舉寵
章某官繼美勲門生知戎略識度早聞其善將風稜尋號
於老成朔漠之氣嚴天資毅勇崆峒之人武神授端莊以
忠孝爲身經守謙直爲家法諸父每舉宿將知歸徐晃沉
詳幼而特立既克紹於門風爰委用於舊土未行真命且
假劇權士心咸感於惠和封部果臻於寧肅既符試可須
議與能方當殄寇之時將用正名之與我之異渥實爲訐
謨以爾成慶代有殊烈祿山滔天之日文已載於司勳朱
泚盜國之時績復書於盟府洎黃巢犯關先臣進兵兄弟
宗族携率征討首謀大計果成元功麟閣丹青鴻鍾紀勳
垂之不朽未以無窮今則近輔元渠久未誅剪朕之懋慎
惟予皇天爾其思曾高戡禍之勲續父叔定傾之烈盡驅
銳旅速殄妖巢克副家聲以康國步服我休命所宜若何
勉樹功名勿孤注倚

授涇州節度使張璉加檢校司徒同平章事制

崔遠

門下書云用命賞于祖不用命戮于社然自三代以還未
有不戮暴亂不賞功庸而安國家定社稷者也近者徵其
銳旅討彼元兇不越月而捷書繼聞未逾旬而鎮城連下
易如拉朽勢若建瓴諒非昭代之才孰濟勤王之績我有
懋賞爾其聽之謀官切玉雄鋒摩霄健翥智符靈蔡節貫
塞松繼乃父之休勳鎮于巨屏誓忘家之壯志控彼邊陲

積粟訓兵安人阜俗不忝登壇之寄彌光出將之門近者
宋文通顯背國恩堅違君命將清叛亂爰仗忠良首奉詔
書龔行討伐選射戟盤矛之將率控弦帶甲之徒既已先
啓行復深入其阻立志無慙於馬革輕生不讓於鴻毛矧
聞纔出封疆繼降城鎮一作鎮戍旣臨賊境克保隴城振貔武
之威聲斷螳螂之怒臂而又不勞經費自備糗糧惟踴躍
以用兵不因循而翫寇今則方憑妙畧共殄長鯨雖伐罪
吊民以覩訓齊之令而誅妖剪恠合資掃蕩之謀是用俾
壯軍威仍加相印以勵始終之効勿辜倚注之恩敬之戒
之服我不訓

授蘇文建邠州節度使制

前人

梁漢古封河池名郡有關山之險阻當巴蜀之要衝
苟非勲賢不可輕授我今有命允謂當人某官截海雄姿
臯風逸步得左馬右人之術洞玉鈴金匱之書加以幼慕
功名早懷壯槩攬轡蘊澄清之志臨風多慷慨之詞頃在
禁宮屢竭忠節四奉指揮之任久彰羽衛之榮洎委節旄
俾之鎮撫當巨逆梟夷之後是邠郊凋瘵之秋而爾復茂
政能益堅撫字未周星律已播謳謠方深倚注之懷用安
黎庶旋屬于戈之患每軫焦勞旣互有奏陳慮多嫌隙冀
寧生聚爰職改更復以未戮奸兇方思勲舊殄寇旣資於
上略惣戎宜錫其名邦俾居十乘之榮以長萬夫之氣爾
其便提驍果亟赴征行破其城社之秋刷我宗桃之耻然

後仗茲龍節蒞彼雄藩高居將相之尊永保山河之誓人
臣之節丈夫之榮何以加焉爾其自勉

授安友權安南節度使制

鄭璘

門下朕以伯侯之崇列於藩翰旌鉞之寄屬在忠勞况其
俾奉詔條佇乃聲效宜洽念功之典用資撫俗之才具官
安友權學奧六韜術探三志得子玉理兵之要有少卿養
士之心自屬艱難彌勵成節侍衛之勞既著星霜之志靡
渝載陟周行益恭環列校其勲績宜舉寵靈乃睠海隅地
聯越倍每思封部尤在撫安徃分瑞節之榮更益公台之
重爾當奉茲七德睦彼四隣夙夜以勵武功周旋以修軍
政成于樂土副我朝恩勉服訓詞欽承厥命

授錢鏐潤州節度使制

前人

門下登壇命帥俾宣力於四方暢轂戎車付機權於十乘
鎮于列土委茲誠臣所以功著者寄崇勞大者賞厚由是

將疑作膺疑作燕領迭旌戎旌爰稽至公遂行殊渥某官凌霜

勁節溢匪竒峰功成不居卑以自牧分山西之秀氣將疑

特稟威稜讀圯上之偏書洞知韜畧名齊飛將績茂冠軍

自撫藩條綽聞政理法去滋彰之弊人稱勞徠之安蔚然

風聲遠陳謠詠昨者董昌輒生狂逆顯負恩榮既署官僚

復更正朔自稔貫盈之罪敢憑城社之安謂天網之可逃

宜有土之共棄悖慢之狀遠邇咸知鏐於此時獨奮忠節

掃纜槍之巨稜清沴氣以無遺爰整干戈竟開城壘捷書

上獻殊庸卓然且思勸善之文遂舉疇庸之命是用益其疆土盛彼旌旄增鏡水之名封兼金陵之奧壤合此重寄殷爲大藩風煙載嚴控制甚廣允暢萬夫之望彌張列郡之雄我所報功斯謂格寵爾當勿私彼教每務謚寧偃戢兵戎拊循凋弊動體安人之本自成樂土之風獎任益崇鎮臨攸重勉承明訓往惟欽哉

授李鑑邕州節度使制

前人

門下漢之上將或委登壇古之萬夫用期觀政所以典拂素難於方面僉諧遂舉於寵章有我勲勞豈悵恩擢某官秉節持重抱器謙明既熟戎韜兼通軍志拂青萍之出匣鍊無前整紫鷲之追風千金莫對感激而雷霆助順

武增雄爰自先朝存逢多難功烈昭著金石無泯且聞宿衛之忠亦著載馳之効每稽功秩盡瘁十年爰用陟明嘉于一志乃睠邕部實爲舊藩接服嶺之要衝連駱越之奧壤付茲重寄繫爾雄才爾當清以臨人和而馭衆善施條教動慰蒸黎蘇我彼封佇成樂土仍峻保安之秩式崇鎮撫之名往惟欽哉勿怠丕訓

授李繼密山南西道節度使

前人

門下朕以恭已視朝詳理興化對山河之美必念功臣聽鞶鼓之聲每思良帥况其華陽奧壤黑水上游提封遠振於三川列郡豈惟於千里爰授勳略往膺撫綏斷自朕懷允符僉屬某官深沉曠度果敢知名秉義何公服於吏事

披堅執銳振彼軍功奉國勵心以身率下暑不張蓋惠若
投醪刺隴坻而師必樂隨鎮洋川而人皆自便卓然威稱
洽乃風聲今以梁漢之間撫理是切允思安又諒屬智能
既習俗以不遷睠寵章而宜舉况爾伯父鎮于是邦舊愛
尚流承家益美想彼下車之後必聞蒞政之方爾其蘇秦
蒸黎務勸耕織謚寧封境謹奉詔條致我巨藩成其樂土
不改三公之貴用光十乘之權厥惟欽哉勉承嘉命可摧
知河陽節度使觀察留後特進檢校司徒兼御史大夫上
柱國隨郡開國子食五百戶

授李思敬馬殷湖南節度使制

盧說

下十國為連萬夫是長兼文武之寄居方嶽之重握

與符疇咨人傑而又束神京襟帶扼衡越咽喉疏五時之
封疆跨三湘之土壤節制之重東求惟難允叶僉諧爰膺
並命具官李思敬族著山西神交圯上鼎鍾刻伐帶礪誓

封探義府之淵

唐諱一作源

暢和門之方畧雙鞬小戟承

家而後臂推奇叔豹季狸濟美而牛頭入夢具官馬殷夙
彰奇節素挺英才究六韜三略之微得十圍五攻之要誅
暴救亂戰必勝而攻必取安人和衆近者說而遠者來既
有勇而知方善勝殘而去殺並懷仁抱義履信資忠載張
四維俱崇七德或貳戎車之政令寬緩不苛或列雄鎮之
偏裨動用安重使惇嫠服其惠桀黠畏其威為我寶臣咸
彰嘉績有以難兄告老瀝懇以聞俾諧內舉之誠爰頒試

守之命有以元戎殞喪軍俗上陳言其以得士心可使爲
帥姑徇人欲爰假武符或曾未半朞或始逾星紀皆聞報
盡允叶陟明而善守化條克固吾圉綏懷有庶協比其隣
底貢率循于舊章賦事罔愆於彛制不有即真之命曷明
勸賞之文是用授以旌旄錫之鈇鉞或昇其馭貴啓以邑
封洎夫端揆之崇並壯方隅之寄各竭誠節以奉明恩撫
字蒸黎尊獎王室無窮九貢靜布六條咸思不溢之言以
謹有終之戒服我謨訓徃惟欽哉

授孫德昭安南都護充清江軍節度使制 吳融

門下夫悍大患者必見危致命立奇功者乃知幾其神苟
非憤激于義形於色則安能彰明大節果斷一時正

象以迴天決浮雲而出日惟人所至何代無才既得忠賢
卓然超異宜加寵數用激人倫具官孫德昭河右英才山
岳勁氣通白猿之劍術得玄女之兵符振跡和門登名勇
爵非義不服惟忠是圖克揚羽衛之事功罔墜先人之職
業朕憶昨釁生不測禍起非常儲皇因逆黨脅從大寶爲
渠魁搖動萬乘幽辱兆民震驚爾能首唱義師力扶王室
率貔武於重城之內戮鯨鯢於兩觀之間出予榛棘之前
復我當陽之位今則皇綱反正天性如初議臣誠則冠彼
群倫語將略則高於一代是用授之旄鉞帖以鈞衡既兼
保傅之崇仍益井田之廣階升一品職重六都誠謂殊榮
未酬忠力勉圖終始用保休光

授王行審鄜州節度使制

前人

門下古之命將也推轂以示其優恩設壇以彰其異禮蓋
付以生殺之柄受其制臨之權用爲翰藩以固疆土北馳
柳塞南控金河欲靜烟塵必資心膂旣俞公議爰命誠臣
某官隴右良家山西茂族稟風雷之勁氣挺鷗鶚之雄姿
自名冠伍符身登勇爵孔明八陣列于胷中呂望六韜懸
於掌內况早專留務甚洽政聲帝澤皇風嘗聞其導達殊
方異域悉致其懷來耕農不廢於三時凋瘵盡蘇於一境
夫賞功所以華國貴不逾時旌善所以勸人務將致理是
用委之玉節寵以牙璋仍加五等之封更厚一成之賜於
呼爰自多難常思勲臣期於濟注之間能濟艱難之運

則未富土地者我富之以公土地未貴節旄者我貴之以節
旄苟懷報上之心宜顯爲臣之道勉膺重寄善立奇功山
河在前終始無替

授孫儲秦州節度使制

前人

門下武惟靖亂文以守成而自昔之通規亦當今之令典
况地連隴蜀城控邊陲又自心戰爭近經惠養思繼前政用
安一方爰屬僉諧得茲人傑以某人學富縑緗文輝組繡有
經濟安時之術負恢張出世之才加以立性端方操心勁
直臨事罔思於擇利官每切於推公以是淑齊居爲理
具將重其選孰與之先昨以某區逾時闕帥俾專旗
鼓用息烽煙而屬十乘未臨二

移今復以成紀巨藩仇池善地前番靜鎮乃易麾幢不離
空土之崇增以列侯之貴仍加食采更重登壇於呼制犢
悍者須用其至公撫疲羸者無先於不擾非仗忠正兼資
察庶則何以副吾乃矐之憂慰彼例懸之急勉而終始無
忽重難敬之戒之服我休命

授劉崇望東川節度使制

前人

門下武惟靖亂文以守成二者相須百王不易眷彼左蜀
寔爲奧區分襟帶於銅梁束咽喉於劔閣久纏兵革今靜
烟塵當疲瘵息肩之初是循良爲理之日不推舊德何撫
新邦式副僉諧爰中寵數具官劉崇望文含大雅道茂中
庸藹玉燭以舒和挺金相而稟秀閨門密行每垂範於緝

朋友推誠自可期於風雨蘊是休稱居爲令人洎踐歷
諸華敷揚典誥迫於公議委以國鈞而能上宣三光下遂
萬物臨事而曾無辭遜操心而惟務和平尋於東土多虞
徐方擇帥乃兼金鉉付以牙璋爰自罷歸累更寒暑既經
多難彌振居聲今以庸蜀休兵梓潼無事俾銜專命徃慰
蒸黎而中外群情朝廷所屬皆言重寄可委當仁是用寵
以麾幢授之方面進升揆路仍假台司且彰倚注之深更
示統臨之重於呼汝當爲吾輔相吾固熟爾訐謨舉必推
公動能克已今欲推公則莫若無黨克已則在乎不貪勉
副前言更彰後効無忘警戒以保厥圖

授孫儲邠州節度使制

裴廷裕

門下惟彼邠邠連近咸鎬維聖夏羗渾之俗有公劉后稷
之風地控三州境延千里撫茲疲俗允屬名臣某官磊落
喬松晶明片玉以雍睦作理家之本用詩書為干祿之基
信厚難窺端莊不倚動皆如行王遠每耻於妄言志切導
人季路罕聞於宿諾明鏡心劍高謝塵埃止水秋山居為
圭表自拔於侯府選在明心惟業官舉不避事廣明中
盜侵關輔兵滿京師恭惟先皇帝遠幸右蜀爾則佐彼上
相首誅助桀之人贊我元勳大挫吠堯之黨爾後一麾出
牧雙節升壇安人得賢太守之風訓兵盡真將軍之令龔
黃並駕管樂齊肩是庸宜臻顯貴睠乃巨屏素號名
藩爰自前朝必求名帥郭子儀以山河之誓勘定多難白

敏中用廊廟之尊經營薄代近則存其疑作喪亂方苦流
亡將欲戢彼干戈保其生聚是意一作念人惟爾所宜靜
以撫封儉而植已吊彼凋殘之後弘其惠愛之仁副我殷
憂佇爾蘇息大司空貴秩左光祿崇階亦遣進封皆勸為
理苟孤委任其如法何

授韓建華州節度使制

楊矩

門下越自去秋符于太華萬乘所至兆人是歸而大無不
周細無不具其間舉重典振條一作綱封畿肅清宮闕斷
度罔有廢事其何故哉吾有誠臣杜稷之福今馮翊近藩
襟帶河渭撫馭不謹煙塵不驚將次廓清爰考前績官占
蔽志吾何疑焉具官某星緯炳靈川間氣理先正本謀

必應機知義安居士皆盡力厚生利用人得保家閭閻則
咸仰吏師軍旅則共推良將范宣子尤先興讓成安君止
用作謀以標式大朝準繩列鎮一受命則表章十上以得
請爲期一推心則忠孝兩全以奉公爲本摠是全德實吾
偉人今者沙澤之陽疆理相接厲階斯構改作是宜俾兼
統制之權允竚撫綏之惠爾當視同如華濟猛以寬則吾
坦然人俟安一敬服丕命以孚于休

文苑英華卷第四百五十八

文苑英華卷第四百五十九

翰林制詔四十一

詔勅一

命將

命呂休璟等北伐制

蘇頌

門下朕聞守在四夷蓋安人以和衆加於百姓豈窮兵而
黷武然則日之所出弗俾于化故知天之所討必襲其罰
自默啜虔劉肆暴桀驁反常獨爲匪人假命驕子者有歲
時矣雖奉書就邸或遵於聲朔而控弦犯塞已毒於疆場
朕惟務懷柔每在含忍遂使庶邦憤積稽其六月之師逋
寇禍盈窮此百年之運金山道前軍大使特進賀獵一作
同毗伽欽化可汗突騎施守忠二庭貴緒萬里威聲忠而

善謀勇則能斷自膺殊禮名寵於外藩思立大勲志勤於
中國兼遣弟右監門衛將軍守節長驅沙漠直指金微默
啜舉其種類來相抗拒近殪於鋒鏑之下已若亂麻遠慮
於廟堂之上將同破竹堅昆在右犄角而東並累獻封章
請屠巢穴朕又聞不得已而用者孰若兵機不可得而違
者迺符人事求言取亂宜戒徂征右領軍衛將軍兼檢校
北庭都護碎葉鎮守使安撫十姓呂休璟心堅鐵石氣橫
風雷始則和戎之利先得晉卿終而逐虜之功方邀漢將
可爲金山道行軍大惣管北庭副都護郭虔瓘安處哲等
懷才抱器蓄銳俟時慣習軍容備知邊要並可爲副大惣
管領瀚海北庭碎葉等漢兵及驍勇健兒五萬騎金山道

前軍大使特進賀獵毗伽欽化可汗突騎施守忠領諸
部落兵健兒二十五萬騎相知計會逐便赴金山道朔方
道行軍大惣管右武衛大將軍攝右臺大夫同中書門下
三品上柱國韓國公張仁亶文武將相莫之與京心腹大
臣一作牙爪是所繫賴當分閭之任受升壇之律常願身先士
卒不以賊遺君父與副大惣管右監門衛大將軍魯受信
等領蕃漢兵募健兒或用絕羣飛騎城傍等十五萬騎赤
水軍大使涼州都督司馬逸客外寬內明正辭直道標廉
慨之節曾不顧身蘊經營之志期於盡敵與右武衛將軍
陳立右金吾衛翊府中郎將李玄通一作道副使右驍騎衛
鹿陵府折衝能昌仁左衛神山按唐地理志神仙府在
晉川詔今作神仙非府

折衝陳義中等領當軍及當界蕃漢兵募健兒七萬騎豐
 安軍大使靈州都督甄粲副使張趙壁常元寂等領蕃漢
 兵馬六萬騎防禦羣牧大使臨洮軍使甄宜領當軍莫門
唐會要作積石等軍馬募及秦蘭渭城等州大家子弟惣
英門非二萬騎建康會要作軍士甘州刺史李守徵玉門軍使肅
 州刺史湯嘉惠墨離軍士瓜州都督李思明伊吾軍使伊
 州刺史李春交等各領當軍兵馬與突騎施守忠呂休璟
 等計會共為表裏莫不運其長策悉心而効六奇接以短
 兵指掌而論七縱使天陣齊舉雲且備設賈勇於飲醪之
 夫一以當萬揚威於汗血之騎左縈右拂咸繫鼉斬蛟曳
 犀佩豕必能力敵窮海聲壓大荒刈谷蠶之庭拔扶一作

渠之壘不遑渭橋之拜已見陰山之哭然則持旌節執金
 設者所以問不賓誅首惡而比夫不誠復迷則克俾存開
 網之仁預軫焚舟之歎休璟所領兵馬甲伏一事已上仍
 依別勅處分主者施行景龍四年五月十五日一作皆唐大詔令

命姚崇等北代制

前人

黃門一作門下朕聞上古聖王之政一作致理則教之以戰陳之

以兵蓋威不讐而服不順也故始於禁暴終於偃革一作伯

斯不得已而用之朕以寡昧誕膺鴻業思欲率於動靜歸

之教化豈要荒之外棄為匪人而亭育之中視則如子罔

不遵我文軌修其貢賦歲時相望道路抵一作砥屬而默啜

素稱桀鰲鳴鏑於狼居頃自懷柔屢一作獻書於象魏朝廷

所以許其通好議以和親使臣累齎繒帛侍子令襲冠帶
度中國無事長城罷守戢干戈而銷劍戟者朕之意焉豈
謂我盟不渝爾約斯背伊庭之際遂敢侵軼西北偏隅尚
聞嘯聚雖摧其精銳而困於圍逼此不虞之失也朕甚一作
憐之犬羊無親不可恃信而輕敵熊羆有勇威能宣威
而制勝朕由是詢卿士之奏攬英雄之心謀元帥而得佐
軍恢遠圖而舉長策隨時之義其在豫乎兵部尚書兼紫
微令鹽修國史上柱國梁國公姚崇天降一作其才日新
厥德禮義爲本居有四鄰一作暮猷是先生知千里以仲
山甫之操管夷吾之能智湧泉而不窮精貫日而愈勵信
廟堂之柱石鼎彝之鹽梅必能奮爾六奇光我三傑可持

節靈武道行軍大惣管管内諸軍咸受節度右領軍衛大
將軍兼檢校單于大都護鎮守軍使張知運寬厚沉毅外
方內直威而勇決自攝單于之臺惠則撫循咸仰將軍之
樹可中軍副大惣管權檢校原州都督李欽憲家承將相
器兼文武求古人之節臨事不回讀前史之言好謀而斷
可佐軍副大惣管檢校左威衛將軍靈州都督呂休璟慣
知邊要久探戎律誠期報國去病安用家爲奮不顧身伯
昭不持賊遺可右軍副大惣管左驍衛將軍論弓仁右金
吾衛大將軍勿部珣左領軍衛郎將攝本衛將軍張直一作
真下楷單于副都護臧懷亮右領軍衛中郎將王海濱前
朔州刺史劉元楷右武衛郎將楊楚客并州定清府果毅

元蕭然等頗牧爲用關張其敵懷才倜儻嘗邀百勝之功
立志經營備習九章之訓弓仁及詢並可前鋒惣管直楷
可左虞侯惣管懷亮可右虞侯惣管海賓元楷楚客蕭然
等並可行軍惣管大僕少卿田崇壁鄜州刺史韓思復等
強力從政精心在公知無不爲利有攸往入敷事典省閣
稱其閑練出綜條察吏人或作畏其嚴明崇壁可兼行軍
長史思復可兼行軍司馬兵部郎中李休光司勳郎中張
敬忠兵部員外郎王上客刑部員外郎楊欽明江州別駕
李邕等或特達珪璋所謂登壇之寶或翩翩書記曾聞及
霽之詞可以光贊出車弘宣入幕並可行軍判官靈武軍
兵加滿十萬人舊馬旣少宜於內外閑廐抽壯馬添滿大

萬疋原夏等州要害處亦量加馬其後軍兵六萬人馬二
萬疋先來點定宜令衛尉卿李延昌左羽林將軍楊敬述
等至冬檢閱且當處團結待後進止其有先鋒破賊斬馘
摧堅功効燭然者並委軍將便定功賞不須限以常格惣
管以下有損失兵馬不能力戰棄軍逃命者便殺一作其
有棄軍入賊不能闕死節者妻子依叛緣坐法凡此和衆
誓于師兵統燕犀冀馬之雄屯斬蛟挈龜之勇鼓輦沸野
旌旗雲豈式遏於河塞方震驚於沙漠於是乎善醪以
信之芳餌以賞之戮揚干之僕必行其令持穰苴之兵不
枉其法堅壁清野則投石而有餘追奔逐北則掃塵而無
類俾權宜於閫外仍布告于天下暨勞未逸在此行焉主

者施行開元二年三月十八日

一作皆唐大詔令

命薛納等與九姓共代默啜

前人

黃門朕聞天所與者奉天命而不違人所棄者順人心而必伐由是古先帝王光宅區縣實伏威武用清荒戎時義遠矣默啜以叛亡餓隸凶忍遺孽敢迷聲朔獨匪人臣禍皆所召祇不自作舉其巢穴盡是離心瞻我闕庭相望內面猶竄身於寒苦且寄命於旬時當胡運之已窮在軒兵而可逐九姓部落等忠誠貫日義烈開風數其擢髮之憊成於屈指之計請除驕子累遣使臣摧鋒而願先驅蓄銳而期後命右羽林軍大將軍朔方道大惣管薛納左衛大將軍安北副大都護兼鄴王府長史平郡公張知運右羽

林軍將軍兼涼州都督赤水大使楊敬述右騎衛將軍論

弓仁左武衛將軍大武軍大使于仁誓右武衛將軍豐安

軍大使杜賓客豐州都督西受降城使呂休琳一作勝州

都督東受降城使邵宏左金吾衛大將軍迴紇伏帝匐右

一作衛大將軍渾元忠左衛大將軍似和舒右武衛將軍

兼賀蘭州都督契苾承祖等或出將入相有經濟之才或

敦詩閱禮有韜鈴之算或嫖姚仕漢有遮虜之勲或由余

入秦有伐戎之策謀彼元帥擇于佐軍可以授旗遂行推

轂而進納可中道大惣管賓客宏休琳等為副知運可東

道大惣管弓仁仁誓為副敬述可西道大惣管伏帝匐元

忠和舒承祖等為副各領馬匹五萬人與九姓計會三軍

既整百道齊入吳鉤楚練照曜陰山之峯冀馬燕犀張皇
窮漢之地况彼寇惡積我師義動知存亡者觀其兆摧枯
朽者鮮其力庶使疆場罷候從此息人邊鄙不虞一作因
而盡敵布告天下咸遣知聞主者施行開元四年正月二日

一作皆唐大詔令

賜將士書

與昭義軍將士書

白居易

勅昭義軍節度下將士等當軍將士與諸道不同自經艱
難多易將帥而忠順之節未嘗有虧朕每思之無時斲忘
盧從史為卿主將作朕藩臣權位尊崇恩寵優厚而乃外
示恭順內懷奸邪刻剝軍中暴殄境內朕以君臣之道未

悉發明為之含容頗有年月近又苟求起復請伐

集作恒

州與賊通謀為國生患自領士馬久屯行營收當軍賞設
之資加本道芻粟之右不為公用盡入私家此則主將之
恩於卿何有臣子之分負朕實深卿等辨邪正之兩端識
逆順之大義抱忠勇者耻居其下守名節者憤發於中失
三軍之心已聞夫去犯眾人之怒果見不容遠察事宜備
知誠欵與言嘉歎至于再三其當軍將士等賞設已有處
分上自將校下及士卒各勵爾志再思朕言卿等從集作承
前已來常保忠貞之節自今以後永為心腹之軍宜念始
終副茲囑望故今宣慰宜並悉之夏熱卿等各得平安好
遣書指不多及

同前

前人

勅昭義軍節度下將士等卿等久在行營久無主將而士
旅輯睦軍壘安寧足彰守正之心尤見盡忠之節以此歎
囑勞於寢興孟元陽是朕信臣爲國良將威畧可以懾兇
孽慈和可以牧師人累著忠勤克諧朕命爲其主帥必副
羣情况卿等同炳姦邪久困貪暴宜以仁賢之帥撫卿忠
義之軍靖思元陽無出其右今授元陽檢校尚書右僕射
充卿等當道節度使勉同王事以慰朕懷烏重胤特効忠
誠深宜獎擢今便授河陽節度使兼御史大夫故令宣慰
並宜知悉

與昭義節度親事將士等書

前人

勅昭義軍節度下親事將士等盧從史受恩至重負國至
多衆所不容追令赴闕朕以誤曾任使貴全始終今則止
於貶官此亦集作曲從寬典卿等抱忠懷義朕所素知頃

以諸營同事從史三軍一體俱是王臣既不相干又能自
効朕方優賞以酬功勲何至不安有此疑懼必恐從史已
追之後元陽未到之間卿等當營下無主將或被外人扇
誘遂令衆意憂疑勢使之然事非獲已朕雖在此遠見軍
情料卿本心必無此意况元陽勤儉恤下寬厚愛人久在
河陽甚近澤潞元陽臧否卿等合諧以卿忠義之軍故擇
仁賢爲帥已有詔旨宣諭元陽若到行營一無所問乃至
將士家口亦令優卹安存卿復何憂必得其所况昭義將

士艱難已來保守忠貞未嘗虧失天下稱歎卿已集作自
知又卿父母妻兒家田墳墓一物已上並在潞州倉卒集作
頃之間豈忍便棄朕之此語卿宜細思各相勉諭同保忠
順計元陽已合到彼卿等便取元陽指揮想卿等心必副
朕意故令宣慰宜並悉知

授怕州節度下將士等書

前人

勅成德軍節度下將士等朕以王者之道與物無私若違
命執迷則罔有容捨若知非改悔則無不含容集作不窮
無告之人不塞自新之路頃屬奸臣從史謀違異端致使
恒陽隔於恩外六郡之地皆廢農桑三軍之人並罹鋒鏑
朕每一念至中心憫然今卿等繼獻表章遠輸誠款省承

宗之勤懇難阻其情思武俊之功勞不能無念况事因謹
誤而理可哀矜今已降制書各從洗雪承宗仍復舊官爵
充恒冀深趙德棣六州觀察使成德軍節度使將士等官
爵實封並宜仍舊待之如初卿等各宜協力同心知恩感
德共保終始稱朕意焉故令宣慰宜並知悉

與韓君雄書

鄭畋

勅魏博權知兵馬留後韓君雄及將士等何全皞藉祖父
之餘基受朝廷之重寄身居節制位極公台所宜慮危圖
安忘私濟眾乃驕矜失道滿假為心刻削衣糧恣行殺戮
致三軍之怨怒乘馬匹以奔逃忽此敗亡良可驚歎君雄
素聞奇節又著威聲權於眾情主彼留事果能撫安戎旅

鎮定軍城將士等義激英雄名光壯武雖從權而選帥終請命以聞天况知又寧允用嘉矚今遣高品康道偉等專往宣慰其他績議指揮想宜知悉秋涼卿比平安好否遣書指不多及

與張文裕及魏博軍書

前人

勅文裕及魏博三軍將士等駱全諷至知全皞紀綱失制軍府離心衆議不容脫身潛遁再三省問驚歎良深且何氏一門將相三代進韜則首推誠義弘敬則累建勲庸全皞紹襲其芳主張軍旅亦能輸心向義赴難興師雖無盪定之功頗著勤勞之節朝廷念其壯武益以官榮位列上公寵兼台座一時之美無以過焉豈爲疑作他疑作生災疑作

荒致患鼓師徒之怨怒貽祖父之包羞三軍將士等義勇無倫忠貞有素負山西之壯氣因河北之威聲必當洞明禍福之源深惜變更之體因以物情積憤軍令乖張不可保安致茲騷動大凡卹人者則父母虐我者則仇讐訓傳所言古今無異何全皞旣敗戎律卽當舉正朝章韓君雄若合羣情權可主其留事一作務更俟奏報當有指揮將士等切宜禁戢兵戎肅清疆境勿因驚擾妄有殺傷特遣高品康道偉等專往宣慰言不盡意當識朕懷秋涼三將軍士等各得平安好遣書指不多及

文苑英華卷第四百六十

翰林制詔四十一

詔勅二

朝集使

處分朝集使勅

蘇頌

勅朝集使等朕自臨萬邦倏已三載何嘗不兢兢業業勵
 精政道思欲棄末敦本阜俗安人寰瀛之間日月以繼所
 以急於農務不奪人時富而教之庶乎可致夫苛政甚於
 猛虎貪人比之蝥賊頃雖臨軒遣使詔令作臨遣使臣未能澄正
 此弊或刻以害物或擾以妨農或背公向私或全身養望
 至使錢穀不入杼軸其空損瘠相仍流庸莫返且四方事
 廣一人獨化共理之寄非卿而誰卿等至州迺相勗勉詔令

勸勤恤孤弱勸率耕桑各効清勤無或隳廢詔令作怠開元三年三月

十五

同前

張九齡

勅朝集使等朕恭已承天守文繼位布一心於兆庶明四目於萬方恒恐道或未周物不遂性旁求俊乂共理黎元于咨集作茲群辟寧不我副凡今政要畧有四端衣食本於農桑禮義興於學校流亡出於不足爭訟由於無耻故先王務其三時將以厚生也修其五教將以惇俗也有國有家同知此義不患不知患在不行耳且長吏數改政教屢移在官當先為國理人各惕其職不當冒榮干進苟利其身澆俗不可不革淳風不可不長近令刺史在任四考方

遷實欲始終其情黜陟斯繫必若縣得良宰萬戶息肩州有贖牧千里解帶仁政不遙行之則是皆能勵節朕復何憂且如浮逖客戶所在安輯征鎮人家每事優賞集作郵倉廩集作儲惟實賦役惟均鰥寡撫存盜賊禁止郵驛無弊姦

訛不生念茲八事朕常屬集作屢想嗟爾庶尹可不用心卿等還州迺相勸勉遵此王度恤彼下人敬順天常無違月令夫星列躔次土分區域休咎之徵惟人所感善必知生惡亦有由每至歲成當加賞罰宜知朕意詔令有焉字竝即好

去開元十二年三月十三日

處分十道朝集使勅

前人

勅朕臨御天下二十餘載每思至理實仗群賢何嘗不敷

求循良共底于道隼旃熊軾光寵有加甘露鳳凰寂寥無
紀豈朕之不德感致所然為庶尹所能已極於此是用寤
寐增歎殷憂集作勤永懷更為後圖或未晚也且一郡之政
繫一人集作已之能泉源既清蓬麻自直為長吏者可不勉
之卿等至州遞相慰誨以副共理之意用光分命集作憂之
委且如河南集無此二字江左爰及山南歲小不登人已菜色
皆由好逐朝夕之利而無水旱之儲卒遇凶年莫非艱食
此則政乖慮始人無勸分欲免流庸不可得也夫萌詔令作氓
者冥也豈能自謀政者正也當矯其弊所有長吏可不勉
歟相其物土之宜務以耕桑之本時無妨奪吏不侵漁既
富而教奚畏不理至若征鎮役重孤弱命窮特須哀矜以

遂仁恕其餘常科所禁自可舉而行之豈煩縷說但集作方

振綱領乃者庶子制書已明理要徐思其意勿謂空言若

風教未弘議能蓋闕競入朝計冀幸遷除勿曰不知而集作

將自誣也方牧叅佐各宜思之朕所待賢能不惜官秩唯

聲實是與唯理行是憑古者刺史入為三公郎官出宰百

里豈有限也何在汲汲不安於理郡哉誠須勵精以俟後

命並即好去開元三十一年閏三月一日

處分朝集使勅

勅朕受命于人義兼君父思致可封之化集作地無忘終食

之間自有萬邦幾將二紀而刑政或舛風俗尚澆行所望

而未至顧本懷而自失雖朕之不德在予之過有歸而卿

等共理患已之誠豈到至如典郡

集作州

當侯伯之尊宰邑

敵子男之寵好進之輩且不務於政成欲速

集作達

之心獨

未思於義取朕所以數戒勅以見意增祿秩以勸能何嘗

有公方清白者不升理道循良者不用聲績未著黎庶未

康牧守來

集作未

朝而輒遷叅佐踰年而競入此獨為人之

資地耳豈是責成之意耶以故一切還州將矯弊也

集作其弊

卿等至彼明諭朕意知不以中外為隔惟以億兆為憂頃

以天下浮逃先有處分所在括附便入差科輒相容隱亦

令糾告如聞長吏不甚存心致令流庸更滋前弊未革自

行此法即有姦生逃者租庸類多乾沒長吏明察豈其然

乎此色每年別須申省比類多少以為殿最又獄訟所寄

人命是懸近恐妨農特原輕繫俾加閱實乃多幽枉都邑

尚爾郡縣可知各已貶官用懲主吏自今以後天下繫囚

非應申覆知證在遠而就中稍重者不得過十日次不得

過五日其餘輕朴量宜決遣不得因此復加楚毒且外臺

者長吏主之至如禮義不興耕桑不勸孤寡

詔令作寡

不恤徭

役不均不肅吏人不清盜賊不懲侵暴不糾姦訛有一於

此是誰之過其遊僧幻者誑誘愚人窮其根萌特須禁絕

諸軍征鎮每遣憂矜如聞比來未免辛苦特宜撫恤使得

安存今農扈戒期耕夫在野事非急切不得追呼卿等至

州一一宣示當遣察問勿不用心竝

集作即

宜好去

開元二十一年

四月一日

處分十道朝集使勅

前人

勅十道及朝集使等信賞以勸能必罰以懲惡謂之二柄
 所以一人朕念彼黎元比遭水旱而賦役不等浮惰相仍
 且無緝寧漸用凋弊所以慎擇長吏兼命使臣寵數所加
 亦云不薄知詔令能自效豈為是圖政之殊尤求用虛佇
 且郡縣所理黎庶是切善為政者防於未然詔令均其有
 無省其差役事事有豫早為之所雖遭歲惡固亦人安况
 在豐年不能招輯遂使戶多虛挾詔令人均苦攤務欲削
 除更成詭故詔令已逝者未必得集作削為姦者因此便
 除一啓其立勝其弊向若州有明牧縣有良宰而精心
 緝理豈若于卿等至州將朕此意優柔慰勉各令用心

攝撫流庸補綴居業使免助逃之費是為救弊之先此不
 存心更知何理且刺史縣令專任不輕自有非違將何率
 勵至於親識遊客憑恃威權囑託下寮搖動獄訟或差遣
 不當致令損失或處置集作有乖便致煩擾兼有不肅諸
 吏唯只自謹一身姦豪盜賊無所畏懼是虛荷榮寵徒資
 祿秩此而可容孰為尸曠並委諸道巡條察具狀奏聞今其
 澤以時耕桑為重不急之務先已勒停宜更申明勿妨春
 事諸處百姓貧窶者多雖有隴畝或無牛力勸率相助令
 其有秋所繫囚徒速宜集作決斷無令寃滯致有妨奪鰥
 寡孀獨征鎮之家倍須存恤勿有科喚朕所懸爵秩唯待
 賢能若政舉一州惠施一縣使者廉問必以狀聞既能副

於朕懷亦當待以不次誠可復也豈食言哉並宜集作好

去開元二年十一月

勅朝集使八道

勅朝集使等朕聞御寰瀛者不可以獨化養黎庶詔令者必存於共理故專一方親百姓能致循良之術使無愁苦之聲非牧伯之賢疇能於此所以精求臺閣歷選縉紳常舉百寮之要以先六制之重虛想佳政用成庶績自去冬入計者則循名責實詢事考言雖不無等差終未有殊異得非歲時或淺風教未洽耶故一切不除各再臨所典至於敬耆老恤笄弱止姦盜挫豪強人不忍欺吏不敢犯田疇墾闢獄固空虛徭役必平浮詔令逃自復門杜請謁庭

無滯留若是者廼關乎職思可以力致至於弭災青集休

祥尚德義崇禮樂儒風大長道化滂流耕夫克讓織婦知

節草木不夭昆虫咸遂扇彼淳源登茲壽域若是者亦弘

之在我仁遠乎哉豈惟祿秩就加當以公卿入拜其或靡

副朝獎不恭朕言陟既有之黜故宜及勉旃逾徃各勤我

班瑞之分命開元六年三月六日

又

勅諭朝集使朕聞天生蒸民薄于四海天有成命孚于萬

邦必內立公卿外建侯伯后非賢罔使賢非后罔事借耳

以廣聽假日以遐覽則諭上旨通下情庶政諧而群萌樂

矣由是三考黜陟百官會疑昔之訓然耶朕以薄德祚膺

寶位受乾坤之顧荷宗廟之靈稟乎若涉春冰如馭朽索
責在司牧所賴分憂曷嘗不想望賢才馨香至化七年于
茲矣咨爾群嶽寔邦之良服勤政圖深佇嘉績豈爲吏罕
久與人未信何由異絕寥寂厥聲恭惟永圖當副虛矚孔
子曰苟有用我者三月有成漢宣曰庶人安於田里無愁
恨之心者政平訟理也以爲太守數易則下不安誠哉是
諭矣今之牧守古之諸侯寵數特加情寄尤切故躬饗庭
內則飲食宴樂幣帛筐篚入至朕前則敷衽以陳命席而
對所冀仁且不遠言之必行以副朕憂勞之心託卿勤恤
之助卿等宜慎厥始成厥終徃帥哉祗守而典操一州之
統分六條之察念茲在茲用光我班瑞之命有賞有罰朕

無戲言並即好去

開元七年三月十一日

又

勅朕自君臨區域子育黎庶歲年是慎夙夜惟寅而誠或

不孚信

詔今作政

猶未洽所在旱澇屢觀章表因饑饉而爲理

竭憂勞以養人非夫二千石孰應斯委下戶給之高戶貸

之所須賑恤並先處分至於常賦則著恒典檢據成損蠲

減有條又近日已來中外少事差科調發殆至於無處馭

通融當免於弊不知卿等從州來日百姓間得安穩否以

其間聞未便勅令有闕具以陳聞副我深寄時寒涉路並

平安好且三兩日尋親識後取曹司進止

開元七年十月二日

又

勅朕聞諸禮曰刑禁暴爵舉賢則政均矣好惡著則賢不肖別矣其道然也詔令朕以虛薄祗膺景命荷宗社之靈當億兆之責曷嘗不早朝晏坐畏天愛人思欲保其和樂躋於仁壽則與我共理者其唯良二千石乎每計吏還州與之陞見示其賞罰錫以筐篚亦云命而已矣而朝集使豫州刺史裴綱分典刑獄為政煩苛頃歲不登合議蠲復部人有訴便致科繩縣長為言仍遭留繫御史推按遽以實聞實政弊人一至於此朕夙夜兢惕匪遑寧居尋遣使存問其諸道有損處已量加賑恤水旱不時寔朕之過惠養失所分刺之由是用黜綱於嶺裔傲彼群嶽朕於蒼生若保赤子為之均田邑制廬井必欲其時和年登遠安適

肅託于牧宰代以躬親故歷難其官誠經國致理之意也

矣德惟善政政在養人故土煩則草木不長水煩則魚鱉

不大必也寬恕貴乎清淨諸刺史都督宜問疾苦拯窮貧

杜畋

詔令作侵

漁察冤獄至於賦役務從減省深刻為事人何

以堪私惠苟行法或將墜理須折衷用存楷式其百姓有

便者隨事條奏朕將親覽焉欽爾有官各勤為政如風化

允穆謂績殊尤當擢之不次旌乃厥美凡百庶邦敬聽朕

命

開元八年二月十八日

又

勅朝集使古者班

一作觀

群后比萬國黜幽陟明循政思理

罔之廢也朕以虛薄屬當期運受命穹昊司牧黎元何嘗

不中夜求衣分晝忘食欲其日月所燭霜露所墜不獨親其親不獨子其子五穀豐殖萬物阜安爲無爲事無事與能共化于茲八年矣而淳源未還至道猶鬱豈朕之不德耶將吏之不賢耶徭賦或繁耶綱維或紊耶故延入陛階躬問得失悉如卿所對則朕無憂矣書曰知之非艱行之惟艱語曰仁遠乎哉我欲仁斯仁至矣卿等宜祇典厥職克正其身修于國章允茲朝寄因乎風俗示之訓誘必也道德齊禮以公滅私田里息愁怨之聲邦家聞寬厚之化乃及優賞如或依勢作威倚法以削流亡未至教令不行加乃常罰自餘宜依別勅處分勤恤人隱以副朕懷竝即

好夫

開元八年三月十一日

又

勅朝集使等朕承天丕命子育萬方樹之師長俾敷景化將以固茲邦本致諸昇平而大道緬然淳風未暢租賦頗減戶口猶虛水旱相仍耕桑莫贍蓋朕之不德而吏之無方求言於茲良增歎息往歲河南失稔時屬薦饑州將貪名不爲檢覆致令貧弱萍流外境責其政理有從貶黜因茲以來率多妄破或式外奏免或損中加數至如密州去秋奏澇管戶二萬八千八百不損者兩戶而已無田商賈之流雷同入數自餘諸州不損戶即丁少得損戶則丁多天災流行豈應徧併皆是不度國用取媚下人褻之刻薄也如彼今之踰濫也如此不副朕意一至於斯踈怠之愆

雖已會赦尸曠之跡豈不多慙當令所司比類澄汰卿等
與朕共理實惟分憂各勉思政途以匡不逮其百姓問事
理詔令去冬赦書已處分訖若人有疾苦卿有姦豪不勤
農蠶不崇學校並宜敦勸以正風俗逃亡人戶必籍招携
差科之間務令停減如臺省處事有不穩便於時者具利
害聞奏勿復依隨以損百姓卿等至州之日宜一留念詔
作用綏我庶人並即好去開元十年正月十一日

又

勅朝集使等朕君臨寓內子育黎元何嘗不簡易愛人勤
恆庶政天下至廣不能獨任故樹之方牧咨其共理而淳
化未敷至道猶鬱庸賦未減戶口且虛水旱相仍倉儲莫

無聞慈惠之政未息凋敝之流豈朕之不明而吏之無
術言念於此用惻于懷卿等是行勉思厥政百姓聞有
寡俾獨不能存濟者務令優養游業浮惰不勤稼穡者特
令懲肅敦以學校勸以農桑差科之間務使平允逃亡之
戶蕪藉招携令其下人使得蘇息諸州遭澇之處多是政
理無方或堤堰不修或溝渠未洩頻已處分竟無成稟常
破詔令租庸是何檢校至州之日各宜勸勉應合修塞開
導宜預施功若不整勞何以獲利已令御史分知訖宜勵
所職勿犯常科今考課績深者已有除改資歷淺者更佇
良能應還州人已令所司各與賜物待駕發後三五日別
親識並即好去開元十年二月二十七日

又

勅朝集使等弘風善俗寄於良吏求瘼卹隱職在親人朕
 並建藩牧擇其師長欽若古訓俾人用康而教化或未洽
 黎甿或未定詔令攘竊者時有犯禁逋亡者罕聞復業豈
 朕敦諭之道尚闕而牧宰之訓未明歟永念於此不忘肝
 旻卿等咸承朝寄分掌外臺共理之道期於康濟至若率
 身以正馭衆以仁而下不化者未之有也卿等還州宜禁
 侵漁絕浮惰悍獨鰥寡時詔令資惠育盜賊祇訛特宜禁
 斷其征鎮人家每須優當科歛之事必在均平頃者水災
 薦及河朔朕思無不至憂彼元元發倉廩漕江河以賑之
 蠲租稅停征役以安之今屬春陽布和農事方起慮有乏

絕致妨耕桑雖已令

詔令

使宣撫或恐事未周贍如有未

及

詔令

濟者即便量事賑給諸道有損之處亦宜准此朕

不欲一物失所一夫不獲納群生於仁壽躋大化於升平

卿等各宜恭守朝章宣布朕意雖萬方有罪敢

詔令

忘在

予而三載考績須徵行事安人稱職可不勉歟並宜好去

開元十六年十一月十七日

文苑英華卷第四百六十



